

TERMOMETROA - Bero-beroan

ONINTZA IRURETA AZKUNE

Berbakafea, berbalaguna... edo dena delakoa

INTERNETEN irakurri dugu ekainaren 5ean Enkarterriko Berbalaguna Berbakafea antolatu zuela bigarren aldiz. Ez dakigu hamaiketakoa ala merienda zen, kontua da euskara hitzun dentsitatea murrizta den tokietan desiatzen daudela hitzunak elkartu eta euskaraz aritzeko. Agurainean izan berri da Araba Euskaraz. Han ere, euskara ikasten ari diren helduak eta dakitenak mahaian inguruan biltzen dira, euskaraz aritzeko. Mahaiko batek halaxe esan zion telebistako kazetariari, agurain-

dar batzuentzat mahai buelta horixe izango zela aste osoan euskaraz aritzeko aukera bakarra. Zenbait tokietan euskara hitzunez inguratuta bizigara eta batzuek nahikoa nagi izaten dute euskaraz aritzeko. Bestetan berriz, berbakafea, berbalaguna edo berba-afaria antolatzeko irrikitan egoten dira, ikasitako euskara mihiara eramateko desiatzen.

ENKATERRIKO
BERBALAGUNA



Entitateak euskalduntzeko liburu Topagunearen eskutik

LIBURUAREN izenburua ondokoa da: *Entitateak euskalduntzeko metodologiaren garapena: elkarteetan eragiten hitzarmengintzaren bidez*. Euskara Elkarte Federazioak argitaratutako liburu eta kitto, Irun Iruten eta Berbaro euskara elkarteek eta Iñaki Eizmendik atondutakoa da.

BAHEA

[Tiraka blogean martinrezola erabiltzaileak esanak](#): "Horrela ikusten dugu egungo hizkuntza-politikaren norabidea, kanpo-proiektzioen buru-belarri (nazioarteko liburu-azokak, nazioarteko hizkuntza gutxituen sareak, Etxepare Institutua...), baina etxeko sukaldea abandonatuta. Ezin daiteke uler, bestela, nola egin dakiekeen entzungor aginte-postuetatik UEMA bezalako ekimenei. UEMA ez da esistitzen, antza".

[Erabili.com webgunean Erramun Osak esanak](#): "Franko hil osteko demokrazia-aldian, 2009ko abenduaren hogeita hirua arte, askotan isilpean eta etenik gabe, 500 Agindu, Errege Dekretu, eta abar jarri dira indarrean Espainian jardun-eremu desberdinetan, gaztelaniaren presentzia ez ezik, haren erabilera ere ziurtatzeko, behartzeko".

[Chieko Hata Euskal Herrian bizi den japoniarrek euskara zergatik ikasi duen galdetuta HABEn esanak](#): "Senarraren familian guztiak hitz egiten dute euskaraz; eta, gainera, bertsolariak daude: Patxi eta Danel Goikolea. Thailandian ere thailandiera ikasi nuen, hizkuntzan dagoelako herriaren kultura. Jendea ezagutu eta ulertzeko, ezinbestekoa da hizkuntza".



Honelako albisteak egunero irakurtzeko, jaso hari@DOAN e-postaz:
www.argaia.com/harpidetza_haria.php

tALAI AN

Gizartearen eta nazioen kontrako erreformak

Espainiako eta Frantziako Gobernuak erreforma sozial anti-abertzaleak eta anti-nazionalak inposatu dituzte beren Estatuetan eta Euskal Herrian –lan eta pentsio erreformak–. Finantza merkatuen interesei erantzuten dien erreformak dira, hau da, Nazioarteko Diru Funtzari eta Munduko Bankuari, bai eta Europako Banku Zentralari ere. Beraiek gidatzen dute munduko eta Europako ekonomia, banka handiaren, multinazionalen eta patronalen zerbitzura. Espainian, lan erreformak kaleratzeak merketzen ditu, mugikortasun basatiak donesten ditu, negozio kolektiboa erasotzen du eta enpresaren kostuak gutxitzen ditu. Atzetik etorriko da pentsioen erreforma, erretreta atzeratuz eta kotizatu beharreko urteak gehituz; eta hori Frantzian jadanik erabakita dago.

Espainiako eta Frantziako langileek, ezin dute beharginen eta gizartearen kontrako horrelako erreformarik onartu, baina langile euskaldunek arrazoi gehiago dituzte erreformari kontra egiteko. Nazioen eta abertzaleen kontrako erreforma ere badelako, Madril eta Parisetik inposatua, eta ez du euskal lan harremanen markoa errespetatzen. Euskal Herria subiranoa ez den bitartean, euskal langileek marko hori exijitu beharko lukete; langileak eta sindikatu abertzaleak izan daitezela beren lan baldintzak negoziatzen dituztenak patronalarekin eta gobernuekin. Euskal Herria bere etorkizun sozial eta ekonomikoa erabakitzeko gai izan dadin, eredu politikoan aldaketa behar da.

Erreforma horiek salatzen eta politika alternatiboak eskatzeko, greba orokorrera deitu dute bi estatuak: ekainaren 24an Frantzian, eta irailean Espainian. Hego Euskal Herrian, aldiz, ekainaren 29rako bi deialdi daude eginak, sindikatu abertzaleena eta CCOOrena. Ez da, egiaz, langile eta sindikatuen erantzun onaren adibidea. Baina, egia da, batzuen eta besteen ikuspuntua ezberdina dela. Dena den, eraso kapitalista hain basatiaren aurrean, erantzun indartsuagoa negoziatu liteke.

Juan Mari Arregi